



留素堂詩刪卷三

嘉興蔣薰丹岷著



天際草

自乙未秋冬至癸卯春夏凡八年

乙未

◎○○○ 別申庵

為貧寧擇仕捧檄負初心梅福猶堪隱梁鴻不易吟
徑荒二仲去雲在一溪深獨鶴無相怨終然歸故林

○七里瀨

不覺輕帆入峯迴去復還潭深碧無地沙淺白開天
對酒看山客呼風上水船此行堪把釣機應密罟懸
、過嚴子陵釣臺

烟雨桐江釣晚汀江空縹緲一峯青曾憐哀郢從漁
父何自興劉老客星諫議無心遊宛洛狂奴故態謝
朝廷錦溪更有毛翁在願與先生共草亭

○自蘭溪汎艇至金華

一葉衝波上泓洄清淺中游魚迎不去錦石探還空

仙都志禹湖
金華在飄墜
東陽故名金
華

載酒容千斛眠鳧傍老翁遙知僊路近華墜禹湖東

○○○登夏瑚山準提閣

羣峰開佛閣此地淨無塵不厭松杉冷多逢猿鳥親
雲孤閒入座僧老臥迎人偶謝區中事悠哉物外身

○○○雲塘送吳準庵歸浙西

同客忽分手岐亭鳴兩鈎秋思萼菜去老愛桂枝留
把酒懷仙令行吟訪隱侯山中數聲雁江上一歸舟

○○○過桃花隘

桃花隘獨絕百折到層霄墜葉聲飄雨遙山勢落潮

林深鳥鼠坐路暗蝮蛇邀楊億登臨後今為蜀道謠

○○○同麻赤瑜登禮斗臺

登臺放眼萬山巔冷御秋風落日懸峰偃芙蓉青片
片雲披羽袖白翩翩客將憂去休埋地詩到狂來已
上天手把斗杓能挹酒不須買醉杖頭錢

白雲洞聽赤瑜彈琴

覓路緣樵徑藤葛刺野服緩步一田顧巖石紛雲族
但見浮太虛油油欲飛霞東尋逗日影洞口蔭修行
道人去不歸茶竈餘餐菊敗葉擁蒲團閑丘契清穆

偕客坐匡牀論道瑤華屋仙都抗門闥石筍羅僮僕
天際一身尊不知載腐肉興會命鼓琴琴琴淒落雁曲
去矣勿復留秋聲滿空谷

○○○毛翁品

路傍石剖如斷槎影落澄溪作釣車鐵畫留名竟千
古世人所棄君取者詹亭荒後李臺盡一片烟波尚
綺霞

偕汪竹巖明府集鄭寶水山房

山縣鳴琴暇同尋谷口來入門逢一士有酒傍高臺

籬暖黃花綻林昏明月開
醉邀潘岳賦不數大夫才
○○○可留泉

叢桂山居有泉一泓早澗不盈
竭日汲而甘焉惜不得其名爰
銘以傳之

有泉溢觴出於庭隙細寫灌木
空懸纖條鑷白引鏡浮杯作舟
朝斯夕斯樂饑忘憂彼山中兮
胡不可留

登西山望九盤絕頂同赤瑜

長松蔭頽嶺徘徊風淒淒寒螿
鳴樹根落日滿蒿藜九盤阻予
目巖嶮西山西秋爽夕氣佳悠
然思巖棲

客言不可上虎豹嗥荒蹊仰睇
積翠亭空濛無端倪自古賢達人
輕生陵丹梯

○○○望信不至

兩遣蒼頭後蕭齋感客居多因
兒子幼更望故人書千里分吳越
空山少雁魚秋風吹夜雨斷續響
前除

山齋書事寄劔英閣伯

五雲信美非吾土天際高樓盡日
登江上夢歸尋釣叟山中跌坐伴
吟僧徑荒秋想朝開菊泉落寒疑
夜折冰贏得好溪千尺練青峰紅
樹寫層層

○纔到

纔到樊山三兩月歸來頻賦憶園樓縱然貧窶仍藹

窶不信惡溪是好溪唐段成式改惡溪為好溪細雨空簷飢雀聞

一燈小閣夜猿啼申庵黃葉無人掃夢向南村阻浙

西

○○二

借得山莊非故廬稻田竹圃竟何如乃翁千里徒謀

食阿六今冬又廢書酒後鄭虔偏少西秋過張翰尚

思魚時時策杖尋丘壑臥雪無家奈歲除

○施爐歌

施氏百鍊燕山銅鑄成太極爐精工灼灼芙蓉新出

水色老漸似秋霞紅微滓攻盡生虛白置之棊几如

乘空日夜食炭三百段却因人熱來江東噫吁戲獨

爾常得飽不死廣文先生賴有此

○登吏隱山尋李陽冰忘歸臺

四山積翠一丘晴扶杖巖窺對堦病已便忘機同木

石不知何物是公卿窪尊酒挹人外能容老步兵萬

壑鳴茂宰昔年兼吏隱荒餘密篠上臺生

士

戲和汪羽年詠窮鬼

果是山中不可留，若為窮鬼伴窮愁。
雨冥冥裏吹燈暗，風颭颭來落葉稠。
拍手笑人知自取，成羣哭路幾時休。
老生按劍揶揄去，欲逐貧還愧削綬。

賦得寒山夜雨聲

紙窗亂打催詩雨，東野難禁寒入詩。
漏斷南樓叢桂外，鐘沉西閣漲溪時。

過西崑尋劉爾仁不遇沿溪聽泉而返

積雨三日夜，兀坐愁寒暑。
朝暾出前山，鳥鳴知林曙。

忽憶西崑好，良友可與語。
候門惟老僕，謝客理衣絮。
泠泠溪上聲，選石一轉踞。
清風生回潭，暗雨來何處。
不見聽泉人，我却聽泉去。

憶阿七

阿七何多病，相聞起夜眠。
人情憐少子，家事戀衰年。
一為涉江後，無由到膝前。
杜陵頻念驥，不覺有同然。

爾仁挾七僂童偕阮生，又騫遲予柳洲度曲進。
酒生吹笛和之日暮，醉歸鼓琴而別。

日日溪頭吟復行，變童豪客漫逢迎。
纖歌低度梁間。

繞長笛驚吹水底鳴。酒引樵漁分醉去。果留猿鳥到
筵爭。欲歸石上彈琴。別幽澗流泉。寫入聲。

○○○次日移席看西亭

增客寶水羽
年僧三止

溪聲壯壓管絃聲。更選山亭布席平。四座尊空狂客
滿。一林歌靜小童清。人間已得瑤臺住。今夕應無白
髮生。莫問誰遊方內外。此身前後不留名。

△小鴛鴦

羽年目諸童為小鴛鴦時席
間熱沉香寶水起句戲續之

水沉香煖小鴛鴦。對對飛來公子傍。我欲暗偷山果
打趣他一個過金塘。

夢恒山夫人歌

丹崖道人日日醉。壚頭尚擁鸛裘睡。冷籍時從夢裡
過。明珠翠羽誰相遺。昨宵枕上看紫雲。化為天馬舞
成羣。散作彩鳳列屏障。銀箏鴛管聲紛紛。霓裳逐隊
儼利徒。中有姍姍紉蘭芷。遠望洛浦凌虛妃。近接碧
霄下。娘子須臾芳訊傳。匆匆是處可有萬金童。慚愧
空囊留白滿。插花霜髮已老翁。香車冉冉駐東里。銅
青衫子雲鬟婢。含咲謂我曾相識。記得逢迎閬苑裏。
借問神女莫漫嗔。將行雲雨羅襪塵。為言金童不與

楚襄似吾主乃恒山之夫人

送陳如淵入都謁選

乍得相逢一醉歌朔風匹馬去巖阿詩名能起齊梁
後豪氣應從湖海多上等寵承清問近即官高並列
星羅明年春到看花好可憶寒齋長薜蘿

爾仁寶水招永寧寺小集歸次迴石再酌從李

太守借酒

古寺盤桓日已晚酒徒乘興暮何之荷塘碧盃洗移
席松邊角巾折礙枝聽得溪聲分石坐問從樵客出

林逢山公強起如泥醉許借名醪到習池

十二月十七日夜閱周村下洋二寨詰朝冒雨

進練溪

山寇張日新屠大虎寺數千人攻破壺沉寨時縣令城守予出視兵

壺沉地名烽火接孤城夜撤臯比按列營掉舌盡誇齊
說客枕戈半是魯諸生風吹草木旌旗動雨洗溪山
組練明朝食會當先滅此敢言范老亦知兵

松陽王篤侯見訪

竹覆蔣生徑雪飛王子舟興來酒一見坐對自名流
寶劔篇猶在阿房賦已售王投闈卷山中無紵縞筆

酬以詩集

墨定交游

○元旦寶水爾仁過飲天際樓

今年三百八十日取醉先從此日杯我意無聊空對
酒故人有興約登臺西山殘雪白雲入好水落魚青
鳥來更得平安烽火報夜深須倒接羅田

竹巖明府携酒過天際樓看雪邀同勺水爾仁

○寶水三子臚塘田賡熙以軍事見遂留密議

○雪滿誰知臥一樓回車難得洛陽侯移床欲倚三山

樹置酒如乘千斛舟此夕潛軍當入蔡諸公作賦為

依劉東方賴有田橫在杖策前來借箸籌

○次日復同賡熙集竹巖署中醉後借馬赴覺斯

○鄭先生招

○三日夜來深雨雪臚塘寇却羽書遲閒心漫賭圍碁
後壯氣難禁杯酒時會看書生能躍馬不輕窮士祗
工詩衝寒為有山公約今夕還須到習池

○得邁人報書

○寄言粵東日今得粵西書契濶一生老浮沈兩歲除

建牙官不小。振鐸服非初。慚去南村士。猶煩問舊廬。
和赤瑜苦雪行

兩雪四之日。幾望仍不已。一水合玻璃。千山橫玉壘。
上有飢鳥啼。下有飢民死。哀此茅簷下。凍餒戀妻子。
瘠土無宿儲。况兹凶歲累。覓路採蕨根。雪深空流涕。
○○○○和赤瑜過飲大醉歸作長歌見呈

兀坐樓頭雪滿几。爐火不紅灰凍死。擁衾忽漫兒女
思。去家千里猶萬里。折巾緼袍故人未。范井一寒乃
如此。愛卿生平八斗才。慙卿家無五斗米。菓素世上

萬石君。商歌能傾十石醪。擊酒盞悲復止。山南山北
青草空。長貧不病仙都士。夜闌滅短燭。虛窻月如水。
丘中聞鳴琴。遙知彈醉裏。赤瑜歌挑燈
笑拂琴上塵

○○○磔鼠嘆感羣
盜作

有鼠出於穴。日夕耗我粟。一二為盜竄。滋蔓群相逐。
瓶壘漸已罄。嘯聚來往熟。主曰獲匪醜。僕曰盡其族。
凌晨集眾謀。待之以三覆。觸網獲遺類。先後同就戮。
太倉不可發。穢廁非所欲。哀彼鼠輩愚。肆竊徒凡肉。
豈無飲河者。凶年亦滿腹。

飲準提閣登塔望積雪

須我二三友，涉彼好水南。
欹竹寒覆路，薄水暖開潭。
攀緣上曾丘，春日澹松龕。
何來送酒人，烹葵還剖柑。
狂客不問主，歌呼竟成酣。
振衣躡浮圖，近山無纖嵐。
陳根滋新溜，草木拖柔藍。
蒼嶺忽馬失，遙與白雲參。
俯視一氣收，細數萬象含。
玉樹那可辨，瑤臺從茲探。

夜巡東北兩關

東方初折首，西寇又傳烽。
臥甲絃歌少，登城雨雪封。
老夫猶善飯，壯士不歸農。
為念兵荒繼，斯民安適從。

寄永康徐亦神

烽火平安未有期，野無青草更堪悲。
袁門閉雪生如燄，庾賦哀時髮已絲。
雁北聊將一尺素，扇塵猶是隔年詩。
何當乘興來高駕，且與徐凝訪鼎池。

思南村中庵

寂寞秋冬過，春來已判年。
嶺梅知放矣，徑竹想蕭然。
倦客日扃戶，歸心夜落泉。
何如池上酌，戀此一青氈。

二

岑參臥不擲，尚復憶青蘿。
而我無羈束，申庵閒孰多。

備員同僕僕搔首獨皤皤庭樹懸明月他鄉怯短歌

南巖

言遵石馬岼溪迴何清泚俯身採藤花危巖當面起
何人割紫雲一片落溪水絢耀無定觀赤章銅青理
削壁承晚照流暉散成綺踰嶺攀峻級截雲鳥飛似
茅庵天際涼窻開竹松裏振衣憑虛岡抱樹敢一視
奔泉噦石根常恐東南徙

亭彥弟自武義寄我紗筆不得晤

相思一月蘭溪信負我臨風候礪靡五字何能酬彩

筆敝裘初得換春衣續行鴻雁江干遠入夢池塘草
色非從此睽離千里外故園花萼待人歸

李太守嵩生招同竹巖浮玉寶水爾仁集南塘

別墅

北海開樽日銷愁竹葉春鄉關吳楚客冠蓋陸沉人
深壑藏松老高臺攬月新忘機多得醉溪上踏歌頻
紫雲天半落溪隈千尺雙松五尺臺到處伐山搜怪
石祗今占得一峯來

樊生送櫻桃

山園朱實嘗新早，何必瓊漿出禁中的。
的的絡青筠籠，澗離離寫赤玉盤空。
內官曾與王維飽，野老偏憐杜甫窮。
莫訝明朝春已盡，蒼禽偷啄未殘紅。

寫真詩

白居易為翰林時年三十七奉詔寫真於御書院
及七十有一復寫香山寺世變形更不無三紀之
嘆薰今四十七齡矣視甲申相去幾何衰悴非昔
雖異年殊遇感慨同之

甲申曾屬張游寫今日還逢蒼嶺生老醜未如三紀
遠形神不覺十年更拚將圖付香山寺莫想身留御
院名寒暑無朋携對酒醉時呼作弟和兄

題兒戲憶青春圖二十韻

長卿詩云每看兒戲憶青春予年垂知命二兒稚
而好嬉枯蒼葉伯佐善寫生屬作圖併賦之
兒戲弄春風二月放紙鳶憶我授長繩乞線阿母前
兒戲騁捷疾折竹試奔馬憶我南山暮騎羊不能下
兒戲時好勇木戟常不離憶我挾葦稍剪綵列旌旗

初詞直

之

兒戲水中石，鏤石形嶮巖。憶我七齡時，斧斲傷大指。
兒戲供土偶，壁竇開精廬。憶我神童詩，念作老佛書。
兒戲蹄冰側，編籬為池圃。憶我水石間，插花當芳樹。
兒戲妄自尊，喝道散排衙。憶我春日嬉，兩髻桃李花。
兒戲命諸童，狡捷探虎子。憶我作饑鷹，捕雛亦如此。
兒戲出門樂，俯仰無拘牽。憶我捉柳花，貼地拾榆錢。
兒戲攀月桂，引手作勢便。憶我誑老親，嫦娥我曾見。
○次韻谷王雲淙見懷
寒官潦倒髮蒼蒼，相憶山鄉間水鄉。貧極絕交貧未

病老慵採藥，老無方可堪。竹覆歸來徑，始覺楸離別。
後霜重念廣文，惟杜甫遙將佳句浣花堂。上同天閣

蕭索初晴懷寶水

梅雨愁何極，蒼山晚露尖。樹間雲漠漠，石上水漸漸。
白髮當窓鏡，新沽隔塢帘。杜門愚谷下，知是詠陶潛。

○○○侯仙蓓明府邀同張公升飲西崑

玉巖仙令訪仙都，溪路秋聲落早梧。行過小亭凭石
几，攀登虛閣起沙鳧。風清四座談重席，雨爽西山酒
百壺。縱意須臾，惟我輩劉伶，晚節更無拘。

登樓歌

登高樓兮南望山屬下兮雲干上風吹雨兮鐵騎壯
載駱駝兮毳帳掩金鋪兮闕闕交衢暗兮羽旌裂筆
策兮心驚竄林莽兮避兵鷄犬空兮無聲溪水流兮
潺潺靡松杉兮西傾猿狖號兮人語曰黃昏兮逢迎
蒲葦零秋夕藕根長一尺不見雙鴛鴦徘徊寒鷺白

九日竹巖招同寶水登吏隱山飲溪上問天閣
忘歸臺畔客經年皂帽風吹落葉前細路携筇隨鹿

跡清溪解榻傍鷗眠避秦處晉山中士白酒黃花樓
上筵難得明公饒逸興醉同我輩問青天

一、遙同張方伯登吳山謁子胥廟

草白楓丹伍相祠雄風秋老不勝悲那堪興廢江山
在猶是恩仇吳越時茂苑北歸生未得會稽南望意
何為傷心異地同憑弔欲取寒濤酌一卮

三、三嵎觀珠瀑

石額嵯峨古洞深半天晴雨落衣襟蒲團偃曝清僧
話碧沼空明冷客心獨傍危崖能醒酒故喧幽澗罷

彈琴西山日落忘歸去猶漱丹泉和越吟
杖藜曲磴探南明百尺飛泉挂壁輕丹井煖餘龍欲
睡石田秋後鹿還耕亭開巖上清雲合梁偃池中古
月生招得高陽洞裏客醉眠松杪聽江聲
草白宿俞嶺
一林斜日萬峰間颺颺西窓木葉殷携到括中新酒
熟檢將客裏舊詩冊鳥還逸樹能知倦泉為辭山不
得閒燈影磬聲消此夕淨心隨處有禪關

丁酉

遊賜谷洞

春風二月布袍輕躡屩看山老眼驚錦水淺清沈馬
跡白雲縹緲出曾城玉樓捲幙扶桑曉鮫室停梭匹
練明載酒醉吟蓮石上時聞木客和歌聲

鼎鼎湖峯

一名鼎池又名玉柱峯

孤峯削立幾千年黃帝騎龍去不還一片懶雲寒臥
石無根老樹碧粘天侍臣丹室從調鼎宮女湖頭慣
採蓮應是空中開世界軒轅長有子孫傳

軒轅長有子孫傳。湖畔疑通銀漢船。日下桑麻倚劍影。雲中鷄犬伴龍眠。衣裳尚自垂姬錄。稅斂無從到石田。莫漫攀髯墮淚切。遙聞廣樂奏均天。

青田石門洞

絕壁雙開江上扉。石橋蘿逕澹春暉。澄潭碧寫玻璃盞。飛雨寒生雲母幃。幾見題詩能望古。更誰築室不言歸。盤桓謝客風流遠。霍靡輕莎暗濕衣。

甌江即目

分波噉石上梭船。兩岫青山更接連。幾度東風吹客醉。紅襟燕蹴落花天。

永嘉江嶼

回潭密篠自蕭疎。砌地琉璃現佛廬。雲影無邊連海嶠。江空一點似南徐。瑤林夜集青鸞鳥。白浪人騎赤鯉魚。可是浮槎銀漢落。齋糧八月待凌虛。

嶼形如舟故比浮槎

登華蓋山大觀亭眺覽

幽尋過竹院。曲磴上岩堯。樟暗生春雨。松虛透晚潮。十洲喧海市。孤嶼斷秦橋。不作凌雲想。多教塊壘消。

練溪

練溪水帶水泠泠梳石髮氣清不留雲波白恰受月

好溪歌

濯纓兮清流騁余目兮丹丘金蓮兮可採沂陽湖兮

輕舟

遊黃龍山寺

透甕烟雲梵刹幽到門知是近龍湫石壇仙去峰前

鶴銀漢人歸天畔舟一壑松聲晴雨落八牕花氣晚

香留山頭戰壘英雄在弔古何如廣武遊

吳幼輿自睦州赴天台廣文有書見寄

知君下嚴瀨從此訪天台貧寒潘生拙才名鄭老推

傳書江上鯉惜別洞中杯

先在賜谷洞晏別

蚤晚餐霞想赤

城東望來

同寶水齋熙集看画亭

雲作晶簾石作臺空亭潭影碧滋苔逃禪醉後長齋

少隱吏吟成洗筆回晚渡白鳧兼葉落風吹紫竹帶

巖開徘徊四面溪山好不異韋翁看画來

送程前輩還駕湖

史隱山中久索居年年帶草綠前除饑來曼倩慵求
飽窮到虞卿只著書欲別故人惟贈策可知此地不
歌魚駕湖親友如相訊錦水丹峯自結廬

○○○○ 十二巢

桂山寓署有燕巢十二春夏雛約百頭窈謂宜男
之徵今年二六月果得兩兒走筆賦之

十二巢燕雙雙飛四十八雛刷毛衣巡簷逸几朝出
游入幙翻簾夜合圍春雛已長夏雛小啾啾啼飢伏
懷抱老燕呢喃頻去來啣得青虫與白鳥噫吁嘻辛

勤愛雛為雛勞君不見十二巢

五雲先生吟戲奉張司訓

先生飯不足君子去何如腰為青山折間投白屋居
北窓千箇竹南面五車書乘興毛蟲坐臨流學釣魚

二

先生飯不足君子去何如風雪門庭冷園蔬隣舍虛
家無田負郭客有缺歌魚尚欲邀坡老頻通貢父書

三

先生飯不足君子去何如澹泊能明志窮愁只著書

窪尊千日酒錦水四時魚空有老饕賦解齋仍索居

四

先生飯不足君子去何如此出非初服日歸豈我廬
聊同梅福仕猶抱管寧鋤晚食奚須肉庭蕪長蔓蔬

○○○ 重遊賜谷洞

不負棲遲意還因偃曝留鼎池荷作柱錦水石為舟
有國知魚樂無亭任客休淮南方一卷從此老淵丘

○○○ 放舟錦水至周村

題詩賜谷罷解纜錦水時回首猶戀賞前途已探奇

姑婦仙釋二嵩
名馬湖玉醜二
峯為皆真中所
見

羣峯列嶺屹好鳥飛參差危灘觸驚瀧曲岬浮清澗
煙直無所歸雲孤若有思我亦奚為者三年此棲遲
姑婦終化石僊釋常不飢瓊漿丹鼎注雕胡玉醜炊
喟馬干祿人營營難自持

○ 尋周尊師鏡巖

吾聞獨峯榜鏡巖居神仙皮陸多唱和此亦留詩篇
言尋周尊師茫然凌紫煙唐周景復居灌莽翳斷壁

古苔滋暗泉憶昔洞中水一斛加半馬窮流絕磴級
伐篠共攀緣引臂如孫騰假翼若鳥翺去地二百尺

始得至其巔蒼岷題名剝綠池石髓鮮猶有嘉祐人

記遊同我年嘉祐時却伯源唐明遠亦俯仰五百載

羣公由茲傳勝事不可期後來誰往還

吾聞趙侯石舟漢趙炳有仙術山中

却怪乘鳧非水嬉敢因日暮已安坻遙遙常在山中

泊不采金蓮采玉芝

○小赤壁

煉金溪上泛舟回更過溪橋赤壁來有客吹簫翔白

鶴始知身已到蓬萊赤壁在小

○僊榜巖

空巖宛轉逸修廊松影苔斑字渺茫丹室路窮懸度

過殘書剩有鍊師方

○○○○沐白山莊

昇天拔宅未堪誇白鶴歸來尚有家村裏夜春惟玉

屑溪邊蚤飯是胡麻

○王洧盤金吾索三松歌此寄

東隣王家三松樹礪砢多節凌烟霧中有亭亭千尺

姿歲寒不改貞心素偃蓋山人來東廂時牽白犬同

驅羊西偏垂枝展舞袖公孫劍器飛秋霜龍攀虎跛
不一狀囚縛何須悲少壯裹甲今看衣艾納哦詩瀝
酒豪相向嗚呼細草葦何知伐骨終當霖雨時願君
三松常護惜歸來餉我五粒脂

貧女怨

少小長閨閣翠鈿繡羅裳二八飾奩具嫁與東家郎
朱陳結姻好門戶各相當藁砧不成名歸寧無輝光
甘彼織女勞牽牛亦服箱田疇勿能植催科雁桁楊
簪珥既已空告貸嘿自量貧賤親戚輕欲語先徬徨
生女不如男安敢累爺孃堂後涕滂沱堂前盈酒漿
明月照園扉中夜推肝腸

對酒

淵明對酒諸作感衰榮於東陵嘆飢寒之夷井上
懷羲古下悼秦狂何寥廓歟薰也司諭五雲陶俗
無術遣懷命酒以示同好言之不遠用寫我心
平生憎佻達以此常誠人時變會有更吾道無新陳
已出狗微祿成美豈一身荏苒幾歲寒嚴霜摧松薪
亭亭好儀表萎落蒲柳倫善世慚薄德對酒一澆塵

二
鳩峯多危石惡溪多急流地氣能易俗斯言我所尤
毛翁擅雅化望古懷前修尋山還釣魚作士在優游
興至陶一觴沉湎不為憂

○三
既富方能穀誰無衣食營處貧曾不病當亦非人情
五雲荒亂餘今得中聖清會文敦朋好懽宴洽和平
藉茲忘憂物毋令鄙吝生

四
先師不困酒無量亦神哉春風童冠遊安得少此杯
我鮮適俗意時登忘歸臺窪尊非伯雅銘石小有才
窈為傍觀咲不讓古人來

薦師墨為鼠嚙去見索一削侑以詩

竈煤逢饑鼠何怪見齧齧我非唐夫子贈無烏玉玦
吐出三斗汁不若蛾綠屑藉師漆寺門黃金孰優劣

○五
文姬怨

萎落胡地草飄來漢關雪年壽能幾何一生兩離別
△上留田行悲前不

兒啼何所悲含悲啼不已豈曰他人昆悲啼乃如此
戊戌

○○○感古

陵者當青陽憔悴亦先秋潛穎託深谷繁霜不我仇
得失易窮達望古有良儔魯連辭縶組排難推山丘
李斯極高危黃大徒感憂未能捨塵物遺情復何由
冥鴻去迴迴效鳳同拘囚所嗟一失路反為下士羞

○○○擬古

冬夏更裘葛歲不踰千尺旦晚傾酒漿量不過一石

胡乃若自營玄髮倏已白累累溪南墳颺颺響松柏
今為螻蟻隣昔為富貴客生年如晨露消滴非潮汐
縱使東海水桑田亦屢易

二

遠行志士懷獨處悲無依越鷺終南翔代馬知北歸
迢迢千萬里來去定何時棄捐勿復怨百行當未虧
容華難自保戚戚久別離思家倘識路念子安所馳

○○○三

惠風吹百草青青藉遊屐鷓鴣鳴何哀搖落無人惜

竟枯復幾時物情乃頓易所貴立榮名
盛年慎赫赫巖阿孤松樹不生阡與陌

○○○○四

暉暉丹峯日瑟瑟好溪水被服熙春陽
濯纓照清泚人生類孤雲飄忽動千里
久客已如家自分山中士一為念鄉戚
徘徊中夜起

○○○○五

東家擊鼓鐘西隣吹笙竽置酒競高會
賓客鮮拘儒樂終奏清曲美人未須臾
聲響故宵妙光影乍有無

中夜懽未央賤子竊自吁窮年守寂寞
不若彼丈夫

○○○○六

蘭蕙被寒渚杜若盈芳洲良辰訂婚期
與子結綢繆去家西南征滇蜀事遠遊
辛苦迫行役握手別高樓中情徒脉脉
音信何悠悠死恐不見君孤生日離憂
歲晏未言歸賤妾枉白頭

○○○○七

山丈求金繒鹿服安所施山姑乞脂粉
修容將媚誰蕩子與娼婦終為士女嗤
青樓歌舞歇南陌春歸時

莫以推髻醜孟光案齊眉莫以布衣賤百里五羊皮

○縉雲橋燈歌

宛轉木約紙頭尾明珠百顆月光死簫鼓夜半聲不

已溪霧濛濛龍吟水白

○先誕

正月二十日值我先誕辰計年未窮九去世踰十春

冥壽重越俗感傷難具陳稱觥已無從展墓少親人

遙想熙青陽宿草萋以新登高極北望淚下隨颺塵

○○○遊僊詩并引

唐李善曰郭璞遊僊詩志狹中區見非前識呂向

高亦曰詩雖遊僊意雜傲誕咸謂景純命篇與昔人

稍異予觀秘康何劭而下無論矣子建詩云人生

不滿百戚戚少懽娛又云九州不足步願得凌雲

翔其感懷託寄豈遂殊景純哉率爾賦此若善向

○所譏恐不免焉

東西真妙氣化生兩神僊青陽尊木公金母崑崙巔

逍遙凌八寅回虬下紫烟漢武逐母至子房揖公前

乍離閭風苑王侯與周旋彈璫吹雲笛靈曲至今傳

○○○○二
方平握靈符時過蔡經家赫奕擬大將有女顏如花
借問女為誰僊姑道姓麻指爪長一尺玉筍纖三芽
但能劈麟脯不以搔背誇含笑顧海水清淺已揚沙
三
俯仰天地間幕席等一室蹶蹶何所馳我志耽餌朮
常苦結廬喧無由披道帙長房遇壺公壺中可容膝
高堂白玉寒美飯青精飶胡為逐穢蛆遂使歡晏畢
縮地亦徒然慎此壺中出

○○○○四

富貴不可居託身為閩吏恬澹與道息遺形而釋智
天星貫西昴融風吹三至自非琳札人安識龍蛇氣
亦有冥冥者身世甘兩棄煙駕許我迎雲裝許我寄
聊誦五千言山中無一事

五

忽忽百年促不樂待如何聲色悅視聽人間安足多
王母下龜臺來從漢殿過開筵邀阿環霜袍琳綬拖
飛瓊鼓靈簧雙成吹雲和子登彈琅瑛玄曲法嬰歌

長門盈紅粉愧殺三千娥况有窮廬士得道遊大羅

○○○六

求僊畏服藥服藥豈悞人毛劉死王屋張謝惜其身
生者為下士死者登列真相違徒悲駭痲不嚙餘津
如何齒髮落勿與赤頰親食柏好容顏餐桂能鍊形
啗彼肥甘客腥穢日沉淪

○○○七

生年常慮病筋急成肉沮未能易骨髓三尺豈去汝
河車水灌腦楊桐葉作糝煉景易遷宮青童時來語

天上多公卿不習偃與僂誦經服隱芝乘鴻嬾縹組
金丹駐好顏俯憫黃髮苦

○○○八

臣饑不可忍肉食亦我鄙所以黃眉兒放曠隱朝市
冰桃竊玄圃鼓腹遊翠水使非王母言即官同一視
萬鍾本何加斑蝥足美髓春霞秋沆瀣服氣能不死
豈無乞食翁為携宋來子

○○○

○○○九

朝採扶桑椹暮吸虞淵流白鳳為我車赤鯉為我舟

未往三萬里。俄頃十二州。相逢無俗駕。松喬與浮丘。
攜手凌倒景。聊疑東南眸。方壺渺一粟。杯水傾瀛洲。
何為待婚嫁。五嶽猶未遊。

十。不列朝貴。遯不沉清流。渴飲瓊蘓酒。寒衣紫綺裘。
坐臥不履地。日夕居高樓。高樓逼天際。圖斧欣來遊。
邀我童初宮。期我鳳麟洲。怪殺白石生。還言天上愁。
世誰可語。食煮石守玄修。

十一

勾陳窮北駕。太丹極南望。西野宿寒穴。東霞凌通陽。
九州一席捲。三山兩袖藏。誰能為此樂。洪崖洞百方。
龜鶴有遐齡。蜉蝣不終暘。託身同洪覆。壽命何短長。
瓊田產神芝。一葉能起殤。秦民靡孑遺。靈鳥來啣翔。

十二

武夷哀人間。百年會合稀。白曲扣舷歌。朝蟪生歎歎。
神僊思度世。常恐不及期。千月誰能保。三壽多忝差。
金丹方就成。邪物猶相欺。不絕赤塵路。安得青雲梯。

十三。仙人不與世。世人不與仙。仙人不與世。世人不與仙。

獨峯三百丈不與步虛名。山平有松皆化龍。無鳥不驚
鳴。湖中金蓮花。軒轅掇其英。鬱律不可上。日暮白雲
橫。招雲作飛梁。蟬脫此遐征。何必假羽翼。桑姥能導
行。夷京人間百年會。合前古由吐。與海。神。主。冠。飾。

十四

高臺有時毀。曲池有時平。東海淼若水。曾城建玉京。
富貴終已矣。貧賤可長生。何不學子晉。乘雲吹鸞笙。
不然丁令威。翩翩白鶴鳴。藐眇人民非。演漾八極征。
讀皮陸追和幽獨君詩慨焉賦之

生不學神僊。死歸何足哀。莫愁山北墳。皮陸塚崔嵬。

風雅魄如在。

皮云念爾風雅魄

交游滿夜臺。譬彼東流水。注

海安須迴。奇文能見賞。宿草無妨推。纍纍古幽壠。如

君幾人哉。

杜湄村守憲調巡通密奉別有作

東越非樂土。寒雁早來翔。畏彼霜雪催。千里照冬陽。
勞悴落毛毳。欲歸悲中腸。所悲詎遠道。垂戢鮮輝光。
何似鳧與鶉。江河傲徜徉。徘徊日已久。音響日已傷。
高天雲漫漫。延頸空徬徨。惟帝其鑒之。威鳳儀蠻方。

磬磬藪澤間仰和鳴鏘鏘色彩安得近願侍警夜央
枳棘無竹實部婁非高岡一舉絕雲霓漸將遊黃唐
敢不勵羽翼因風望帝鄉
東。山顏見訪將遊樂清
半生兄弟青山裏一咲逢迎白髮時北走燕雲南入
越少矜名字老傳詩龍津橋外毛翁釣吏隱臺前李
令卮正好盤桓東問海不愁雁宕寄書遲

○○○○ 丹峯丞

丹峯古驛千山中車聲鞞鞞馬色驄凌晨呵索晡未

已兩館飲食若流水

五雲卻
金二館

見說十年前一丞脫巾

質米饑欲死去冬忽來關西客修髯廣額長六尺自

言官微誓不逃陣上強弓開五石南馳北逐走如飛

精力銷亡嘆落暉雙眉蹙斷足重趺狐裘典沒寒無
衣且莫思歸歸路遠好溪之水白石飯

○○ 自題扇頭小影

枕石哦松老布衣蕭騷四十九年非莫愁秋筍為人
棄可道春風拂面稀

○○○○ 括州大道曲

鑿山開道馳東甌馬鳴蕭蕭旌旆悠朝來羽書傳海
上父老擔戈縣官餉借問元戎麟閣敷毳廬練甲動
如雲可似漢家李將軍四十八年持節度封侯

驚秋

獨有驚秋客思傷海圻羽檄戒三行烟波樓市猶開
國風雨奄奄欲駕梁甲第高牙擁毳帳鹽田驟馬關
沙場成平禹祀東甌地千載寥寥漢代王

二

露冷炎鄉熟早苗雲帆集渚桔烽燒朝昏陣氣千巖

瘴夜起邊聲八月潮紮寨守閒李校尉戈船將老霍
嫖姚十年征調關東戍一路流離山縣徭

三

高梧踈碧子垂垂久寓他鄉慘慄悲巖邑白頭負戴
老野田黃雀稻梁時幾村鴈戶催科賦半壁龍驤左
次師松菊故園宜歲晚東南何處得安枝

四

生年半百老相尋懶草玄文捉鼻吟擊鼓馮夷瀛海
潤岳綸漢客越江深六朝芳草鳴鷓鴣萬里征人泣

夜砧兀坐蕭齋容尺土齊州九點闕浮沈
地隔京華驛路長春徂秋至邸書詳降王半賜雲麾
伏進士同分黃綬章公琰終然沈百里尉陀已得列
冠裳不才天與投閒處映水蒼葭白露瀼
擁書南面未焚秦抱膝高吟倒葛巾濁酒看花多得
地白衣修史更何人杖藜雲壑聞猿淚搖扇山居少
洛塵同學後先充秘院清平雅調幾詞臣

一統車書括九垓金天肅殺展雄才南雲遠戀蒼梧
宿巴水空從江漢來間道縑兵多雨雪中原有土尚
蒿萊止戈何日看渝舞漫說長安玉壘迴

粟一歲輸官莫點金車馬燕雲題鳳滿干戈闕越射
蛟深老夫肯作吞聲哭白髮清樽桂樹林

戲馮生松石圖

馮困于
遊戲之

縱橫世無象游俠士失職誰貌馮生形不貌馮生實
我知兀坐意把書焚亦得伐取兩株松為君煮白石
○送朱方庵廣文之樂清
里中舊識朱夫子海上初來鄭廣文
咲殺同官俱似謫憐為過客又離羣
夕陽楓落甌東路好水一杯深溪
畔雲去此龍湫千斛瀑能澆塊壘不如君

○中秋夜思前歲病危有賦
九藥青娥泣去秋霓裳今舞桂山頭
早梳荷鍾埋朝露猶得微吟泛夜舟
照海旌旗來閩苑遏雲簫管在

揚州故園千里同明月不覺憂心更上樓

○羅溪晚集同鄭寶水李秋潮

清狂容隱吏好友集溪涯老樹懸新月
幽泉落細沙醉中驚白髮臥處近黃
花此地多求仲園蕪未憶家

寄馬畫初翰林

懸鈴聲靜玉堂閒視草公餘憶掩闕瀛海觀濤董羽
水鰲峰登賦巨然山金蓮照徹紅綃爛松桂寒催種
髮斑欲問生涯成吏隱好溪明月夜漁還

○石崇侍兒歌

君情如春露，妾色如春草。
草頭露易稀，憔悴為房老。
老翁
東海一青童，南山作老翁。
身羈兒女累，心淨水雲空。
無酒常留客，有文不送窮。
鼎湖來往熟，乞藥駐顏紅。

留素堂詩刪卷三終

留素堂詩刪卷四

嘉興蔣 薰丹 岷 著

天際草

巴亥

宿山家

師行荒驛路，捷徑到山家。
四壁青峰合，孤村流水斜。
征夫猶不復，少婦獨長嗟。
鷄黍桃源客，逢人慎莫誇。

五、六亂後得樂清朱廣文信有懷
傳說鯨波濶孤身出險來王維應有作庾信不無哀
學者仍高臥朝廷更愛才公車書屢上又見築金臺
是年秋再舉禮闈

○○○留別懷寧汪瑤若兼呈寶水

欲別故人還故鄉燕南雁北斷人腸謝公屐下同遊
客李令樽前送遠觴到處乾坤閒我輩獨留山水韻
文章西歸開徑無羊仲東道邀賓有鄭莊

西還宿黃碧村逢李華

落日滿荒榛前途遇故人書堂虛候館弟子肅迎賓
旅下驪駒在權田鷄黍陳悠悠言別者於爾見情真

○○○輓沈道士

不得來觀化能無歌輓章丹成竟去鶴桃熟會騎羊
黃帽留虛室青鞋徧八荒遙知縣解日回首白雲鄉

○○○七夕鄭元閻張二酉小集

空庭月小映寒莎瓜果遊陳鵲渡河座客不期張緒
至門生更喜鄭玄過干戈蔽野無青草杯酒銷憂卷
白波今夕黃姑織女會秦淮江畔別離多

時金陵告警

光逸字孟祖投州母彥國
值刑室酣飲
連時大謂之八

申庵雜感
會泰
五
五

○○○申庵雜感
出矣非吾好歸歟且遂初交情貧自澹世事懶成疎
開徑竹無掃當門蘭不鋤村深稀客過何羨子雲居

○○○二
覆水薇花紫交窓梅葉黃歸來秋易夏坐惜露將霜
江左樓船集吳中烽堠望健兒多佩劍錦帶百金裝

○○○三
不因借計吏何自到家園寂寞憑人咲汚隆與道存
驚肥思棄野鶴病畏乘軒敢謂知幾早難伸誓墓言

○○○四
戌火明淮甸風聲到浙西
劉峻交無客龐公隱有妻林亭仍不改時事得新題

○○○五
世變何時極我生任運長
耕稼先人業圖書君子堂浪遊嗟歲晏梧竹看成行

○○○六
吏從東越隱文謝北山移懸帳傳經意歸田獲秫時
魚酣隨洗爵鶴立聽吟詩幽事人間少愁心起五噫

中秋夜無月

裂葉風高酒力微何當撤燭待清輝
幔亭陰滿東西幄寒殿雲封金玉扉
即見照人螢纂纂若為遠樹鵲飛飛
豪情尚欲凌千仞天柱峯頭一振衣

鄭平子前輩以新詞見贈答此

前輩惟公在新詞和者稀騷情芳楚晚
晚食飽山薇

谷隱耕無地驛荒客不歸松窓高臥穩
鄭自號松窓老人漫

興到漁磯

倦還

放浪江東還倦餘稻田茅屋舊村墟
青松樹下閒調鶴紫石潭中老捕魚
千里慵驅呂子駕十年少讀沈郎書
家園列壑應譏我深負平生水竹居

偕元閣遊爰史兩山

入港扁舟小綠林細路涼短垣開野色
密篠蔭池塘石齒遊人屐燈燃古佛光
秋風吹四座霜葉落空床蕭瑟從吾好
冥搜引客狂臨流開丈室鑿壁過迴廊
濟勝攀崖上憑虛逐鳥翔遠山籬落遠
近水帶圍長老未髡僧髮吟思挹斗漿
幸携筇杖健莫問海波揚

時有化石仙人去藏魚帝子傷山有及仙石竹斑豈

有溪鶴返倘思鄉谷底山精出田間牧豎望問津東

可渡側足石為梁東入史山鑿石成梁雜樹微通徑幽花亂覆

墻屯兵塢氣白洗藥井泉香尚有傳丹訣無繇弔戟

塲滄桑三見易登眺一沾裳

九月十六日顧劍英邀遊橫山登顧况讀書臺

下探龍潭歷禪寂寺泛月而歸

風日欣和澹邀我南山遊秋郊如散綺秔稻刈盈疇

信步迷雜路望岑沿紆流登陟松篠間平岡豁遠眸

西爰烟兩點東海水一鉤綠石上荒臺逋翁茲馬留

想當讀書時放懷萬壑收顧子賢後裔蕭散紹前修

豈徒姓陶人訪舊使心悠龍潭深百尺蘿壁枝相樛

中可結茅庵况有我良儔俯瞰梵王刹金碧屐下浮

見說非熊宅象教垂千秋歸途下夕陽載酒沙棠舟

黃雀鳴蒼葦寒蛩吟暮洲興酣攬明月倚櫂發吳謳

人生無百年憑弔在高丘

朱近修携長郎不愚同闍伯昭仲昆季過南村

予出南兒侍坐適劔英元闍昭素亦至泛舟

北蕩

書画米家舫菊松陶氏居相違多不俗乘興各有餘
斗酒南村酌蘆花北蕩漁荀陳諸子從持杖與將車
○○○ 訓西峯文頭佗見懷與地許門民尚對翁吳雖
長水歸時路西峯夢裏山驚看林葉下悵望岫雲還
而我猶開徑惟公尚掩關惠休詩麗藻牽牽敢追攀

○○○ 除夜

携家久客外守歲喜歸來窮與臘俱送老將春更回
不愁寒燭盡為待曉梅開取醉留餘量斟盃明日杯

白庚子

元日

宵衣映樺燭肅拜感親恩酒力老猶健詩名窮亦尊
五噫辭北闕一士醉南村蕭鼓春風動兒嬉當弄孫

古南牧雲大師見懷次韻以寄

十年違白法五字接玄談松鬣高僧塵山花隱吏簪
蓼蟲無乃苦波蜜若為甘鐘度溪風末聞聲扣古南

村居牧大師見訪

鶴驚飛錫到僧出虎溪東淨社邀陶令微名愧瑗公

文章能見性道學不離空從此知禪味清修素位中

問師如何斷煩惱想師云素位而行問如何從儒入

佛師云從道學入問作詩文不碍修行否師云有一

法姪好作詩常遺書規之法姪云

我將以此接引士人斯言亦得

○二月二十二日與親故話別再赴縉雲

計別無多日煩君送我行春風塘上柳曉雨破中鶯

未便荒三徑如何戀一程秣田秋早熟重與醉班荆

○蘇堤即目

遊人絃管矜新曲美女雲翹墜晚風躍馬長堤照夜

白折花滿袖映山紅

浙江晚眺

江畔停橈客惟予獨眺情天昏遠樹沒風急暗潮生

課讀携兒子臨觴對老兵十年牢落甚徇祿此重行

晚泊富陽逢方應之廣文

荒城寒夕照曲岬受歸潮帆下櫓烏集帘高野店招

故人猶磊落薄宦各蕭條携手江山曠臨岐青眼鏡

○揚帆

朝發富陽湄飛艖二十里日高吹東風揚帆直如矢

後浪擁青山前波躍赤鯉瞬息岸草變談笑江村徙

浮雲輕可逐，翹鷺驚不起。遠樹俄分枝，近島倏沉水。
難控奔馬勒，欲喪存雷七。縮地術無竒，凌虛勢相似。
觀書老眼花，坦臥舟人喜。

○○○早過蘭溪縣值雨

渡口雨瀟瀟，烟波慰寂寥。人家臨百雉，江路轉浮橋。
芳草沈春色，垂楊長綠條。不愁溪水淺，晚瀑可通潮。

○○○白溪

落落辭鄉客，蕭蕭獨寤言。漲清浮碓影，月白滿沙痕。
猿挂山前樹，鷄鳴溪外村。待尋松化石，孤棹一窮源。

○○○楊花

三月楊花落，空中白似鹽。晴絲牽入幙，巢燕啄歸簷。
蹋地歌聲起，渡江春怨添。不教寒雪比，輕薄更隨炎。

縉雲南行九十里至處州

雲城南去爨烟空，襍被相隨詩酒筒。棧道懸崖猿共
鳥，泉聲落澗雨兼風。驚人得句應天上，倦客登山似
醉中。不覺行行已下坂，平岡殘照射林紅。

春盡邀竹巖，靜庵寶水赤。瑜集問天閣。

為惜春歸置別筵，朋知別後集春前。溪山久識還鄉

客樓閣如登載酒船神女烟鬟催舉盞漁翁夜火照
題箋歌呼聲裏鶯花老不解靈均數問天

○○○送朱潔湘遊永嘉

籃輿驛路遶丹峯朝雨霏微柳色濃木合嶺高風唳

鶴石帆江靜夜吟龍既江有石帆山無家潦倒餘長缺投老

登臨跨一節短後衣衫如出塞東甌今日正傳烽

○四月二十二日移居學宮呈竹巖大令兼寶水

赤瑜諸子

荒城槐市冷茂草講筵虛藉有羣公力依然隱吏居

舊有吏隱山居五雲歸杖履四壁受圖書鳳羽何嫌短丹山

養翮初學宮南對丹峯

○○○銀杏樹歌樹在講堂前

吏隱山前銀杏樹婆娑百尺摩蒼天鸞尾毵毵烟葉

密龍鱗歷歷霜皮堅問爾鍾靈是何代雨露恩多三

百年劫火騰空燒不死山魁焚學宮樹死復生離奇濩落浩氣

全吁嗟宮槐殿柳一時盡西陵松柏樵墓田茲樹胡

為尚強項羞與凡卉俯人憐盤根雖得地材大徒迤

遭披雲攫日何嶽嶽光風霽月猶翩翩空堂清影時

入座相對一拍洪崖肩

晚坐

青山看不厭晚坐與從容
星遠疑為石雲收不上峯
隔林歸倦鳥深寺出疎鐘
何處清風至陽水幾樹松

山行小雨

微雲輕過嶺細雨亂吹輿
澗樹寒逾碧巘花咲未舒
人依烟鳥度語落暗泉虛
蕭颯先秋氣行衣御袂初

馮夫人錦車行

漢家公主嫁烏孫漢家猛士臥塞垣
漫言橫行三十

萬金枝玉搔推崑崙吁嗟元封何不武將軍豈無力
如虎恐令解憂出楚宮却從胡地楚歌舞公主錦衣
結束新良家侍兒皆行巾借問誰能通史書習事獨
有馮夫人夫人持節撫戎落為主柔懷及城郭投筆
何如班定遠蛾眉應西麒麟閣雜種自昔野心殊操
戈鳴鏑烏就屠天子震怒命大帥六軍未發夫人徂
錦車寶幃駕文馬奉詔前驅副謁者一言平定兩昆
彌酒泉洗甲羗雛下入塞出塞盡為家紅顏老去玉
關賒留鎮星靡報公主皇威長使播流沙

○ ○ ○ 拳松

古幹如鐵長不盈尺雨滋舒翠日暴卷然置几案間可以養目

鐵幹古苔繡玉缸翠羽鮮迎風舞女神向日小兒拳
紫石潭烟重烏皮几夢圓新詩為九錫吏比大夫賢

湖上吟

挂瓢滿飲仙都水騎杖來看湖上山夜稅蓬船秋臥
月詩吟溪閣酒醜顏荒堤何處尋蘓老衰柳當年似
小蠻孤鶴西飛招客去笙歌隔浦未知還

○ 盧舍庵觀魚

庵前規湖如池通魚去來夜出朝還率有常候

海客能馴鳥湖僧獨養魚夜鐘寒出穴朝梵暖還渠

見首矜鯢化全身咲鱸餘此間有樂國不共毒龍居

○ 遊三潭寺

綠暗三潭長菰苗寒洲古寺望蕭蕭澄空水月三千
頃澹抹雲山十二橋啼鳥聲中歌舞散蕩舟人去芟
荷嬌西湖自昔繁華地別有清涼野興饒

○ ○ ○ 曹秋岳招集湖樓偕張登子

煩書招夜飲剪燭話高樓客自山陰到秋同湖上游
泉聲清几席月影落簾鉤坐聽漁歌近窓前起白鷗

○ 遊紫雲洞

出門借得枯藤杖，信步山中訪紫雲。
亂種松筠荒有路，晚飛雁鷺落成羣。
淬將石髓磨青劍，攬取湖光寫練裙。
歸去不須樵客引，自隨流水趁斜曛。

秋日過野庵

編籬分落葉，掃徑養蒼苔。
竹裏安茶竈，池前剩却灰。
杖隨雲共住，僧問客從來。
一咲不知答，我還乘興回。

秋江

山寒楓樹紫，沙暖稻田黃。
帆滿占風力，潮輕澹日光。

江上新月

清輝不共啓明東，可與春江花夜同。
水靜魚龍銜贈佩，天空鴻雁落虛弓。
樓頭思婦愁眉外，渡口漁翁白髮中。
最是客心相對切，寒灰一寸冷秋風。

宿七里瀨

幾度瀨中行，停舟秋興清。
潮過胥口落，魚近釣臺驚。
茅屋依巖結，樵風到浦生。
空山歌吹寂，哀嘯起禽聲。

衢州別無錫吳仙舟

錦帶吳鉤江上送，月高清話夜開蓬。
同舟直到西安縣，好向閩中憶楚中。

吳遊閩
予適楚

海濱白鷺中... 吳... 並... 吳...

青莎碧水錦沙灘兩兩三三戰羽寒常伴靈妃窺夜
月不驚釣叟立漁竿羣飛江上風塵遠一去蘆中矧
繳寬終日臨淵何所羨飢驅應自愧盤桓

泊黃埠衢西二十五里

霜前山禁未開園碧樹千千朱實繁獨倚蓬窓秋興

曠江陵籬落洞庭村

◎◎◎ 玉山縣

孤峯寒夕照一水遶空城狐兔官亭出荆榛驛路生

無時休負戴有吏尚逢迎寥寥三百戶閩越受塵氓

屠城後西關外三百餘家皆閩浙流寓玉山人止九戶耳

◎◎◎ 泊廣信作

北郭涼生雨南屏晚繫舫客心正慘慄秋景轉蕭騷

季子十年困元龍一世豪猶然懷短刺投謁著青袍

漁翁自鉛山河口三十五里至黃沙港溪山奇秀不

西... 得名所可記者有龍門關漁翁隱次頭陀巖

諸勝

龍門千尺滿烟波日日漁翁把釣過貪引五鰲不歸

去何如安穩石頭陀
日無餘事
與趙漚作

西浮凌萬頃鼓柁上朝曦
遠岫通雲路
遙林積水痕
魚龍潛共穴
鳧雁聚成村
飄泊乾坤小
予懷難具論

與王蓮人方伯夜話南昌署中

罷席供壺茗
更衣對竹床
交情見車笠
世事異行藏
風雨孤燈黑
星霜兩鬢蒼
故人尚言舊
何幸不相忘

登滕王閣

高閣憑虛切
紫氛登臨望
古思紛紛才
人詞賦流
流章

水帝子笙歌散
浦雲珮雜秋
蘭迎楚客機
忘白髮入
鷗羣
昌黎空記江山好
老去來遊見所聞

後集二

置身百尺竟何如水碧
天空木葉踈
西棟無塵罷舞
後西山過雨落霞初
去家書寄衡陽雁
入夜歌聽彭澤魚
杖履自輕凌倒景
御風直欲到匡廬

百賞石亭寺

江上石亭寺
登高散客愁
雲連帝子閣
水落百花洲
章貢魚歸晚
衡陽雁過秋
飄飄乘逸興
倚檻待浮丘

鐵柱宮

南浦照神光，仙宮劔氣揚。鶴歸巢古樹，蛟老泣方塘。百貨來瓊海，千家繞畫廊。漢鑄餘篆額，尚識弋陽王。

嘉靖二十八年七月
陽王題請重建

西十月三日留別邁人書書世如却人交如

投老離羣十二年，天涯相見一依然。饑驅有句從君詠，樂價無方為我傳。挂壁好懸徐孺榻，寄書且載石頭船。晴江千里綈袍煖，潦倒金樽醉別筵。

章江別郭寅客

乍逢還乍別，同客不同歸。京口離家近，鄱江取路違。

郭從鎮江歸
予往饒州留詩山雨潤，挂簾浦雲飛。欲問田園計，

風塵未息機。

康郎山謁忠臣廟

空山古廟蔭龍槐，故國英雄酹一杯。戰血未乾流水碧，皇威何在大風哀。尚餘赤幟依林立，似有戈船逐浪來。冷落烝嘗三百祀，漢家猶見舊雲臺。

康山槐樹歌

康山老槐何森碧，擎雲吸浪虬龍濕。相傳太祖戰鄱

陽流矢星飛人辟易南柯密葉氣氤氳控弦不使鳴
吾君此是天子有神威大樹亦得封將軍數百年來
同廟祀陳根未死新枝起三十六人帶礪盟孰如此
樹長孫子

○舟發康山三十里至表岬

真覺舟如葉浮浮日月邊波明金湧地帆遠翼垂天
沙路裙腰細雲山螺髻圓蒼茫見表岬數縷起炊烟

覽饒州淮王廢宮

西城無復魯靈光木落芝山澹夕陽曲沼水枯荒莽

竹類坡石亂臥黃羊壁經已出菁莪院

淮王有菁莪書院龍

種多沉彭蠡鄉蔓草細縈金碧路踏歌樵牧過雕墻

○○○○章澹公司理署中逢胡彥遠

憶昔邢臺日逢君又七年聞聲一見後半面竟茫然
南北人云老風霜路幾千隨陽江上雁來去搃堪憐

○○○ 栖栖

栖栖柰老何四海半經過交似出門好詩從作客多
江山留翰墨杯酒洗兵戈身世不相棄園林長薜蘿
○饒陽聞鐘

旅館燈微寒漏長
踈鐘窈歷度迴廊
霜鳴雁斷天沈
影水咽魚驚夜落
梁不覺客吟頻出
戶應知僧定未
離床淮王宮殿今
何處猶似遺聲在
景陽

同彥遠登淮王宮中山

削立孤峯映碧澄
相逢嶽客一攀登
玲瓏石笋如携
手宛轉寒蘿欲借
藤宮妓想能仙掌
舞夜遙應照百
枝燈巫山倘繫襄
王夢暮雨朝雲愁
不勝

贈彥遠

何以為君贈相逢
不偶然豈惟陳亮
俠更似杜陵賢

當世交難合百年
詩定傳風塵兩聚
首磊落獨驚筵

懷曾道扶

同是薊門行分飛
異水程干人猶旅
食謂主向承明
車馬長安道風霜
帝子城勞勞南北
路歲晏別離情

芝山寺次范希文原韻

古寺倚崔嵬斯立
信樂哉白雲廬嶽
外紅葉漢宮來
寺對結坐僧初定
采芝人晚回烹茶
山果落掃徑竹

風開

西閣昔崔嵬空林何有哉

范詩偶臨

登高極望目五

老涉江來

誌云登芝山可望佳廬五老峰

寒磬斜陽度沙禽落葉回

風吹幡影動人靜菊花開

與彥遠索箋

江邊楓落無紅葉庵裏蕉殘倒綠天早起新詩方捉

筆從君乞取薛濤箋

○聞雁

冬日同胡子彥遠集饒陽章司理署中聞雁章先

有作續以四題屬予與胡子賦之

郡齋夜度雁聲哀雲白前除霜滿臺自去江湖悲旅

食舊羣還為稻梁來

署中

二

塞外春風二月回衡陽歸羽過輪臺健兒莫漫彎弓

射恐有書傳蕩子來

軍中

嗥嘒江樓少婦哀平沙欲落影徘徊飛鳴不為啣蘆

約似向長干送遠來

閩中

四

歷落關河霜路開
隨陽千里幾時回
座間目送遊燕
客期到盧龍春盡未

客中

五

泉流葉落白雲隈
月過寒峯一雁回
斷續猿聲聽不
盡更教天上寄愁來

山中

○ 旅雪

客邸秋冬度鄱陽
雨雪初窺簾紙帳
薄映几竹窓虛
下榻蚤沽酒垂堂
晚讀書何人吟柳絮
冷落滯牝車

○○○

為胡彥遠婦少君賦

少君翁氏名桓

少君約素插著簪
蕭散風神合在林
裁就新詩羣妾
誦青春不似白頭吟

○○○○ 二

偕隱堂前蕉葉新

偕隱堂胡子之居

學書臨徧衛夫人生平

爰是凌波白不寫蘭亭
寫洛神

三

春園河渚

河渚在杭之西溪

晚粧尋繞屋梅花一
逕深却咲

漢宮人欲臥月明林
下理瑤琴

四

繡被香熏有鄂君相從青翰泛朝雲梁噫歌後能同
調不試春風蛺蝶裙

同史文令胡彥遠登月波樓
微風生葦岫落日滿蠟湖携手西南路登樓興不孤
白頭臨楚甸青眼到沙鳧去矣行吟晚懷哉城郭蕪

○ ○ ○ ○ 鄱陽歌別彥遠

鄱陽城頭雲冪冪鄱陽城下水漫漫水上蛟龍三日
闔黃旗紫蓋空中看百年戰骨葬魚腹英雄噫氣風
迴瀾夜半馮夷還擊鼓銀濤白馬如迎鑿我從康郎

渡表岬髮短心長徒浩嘆千里送君何磊落引杯看
劍白石爛投老結客向幽燕烈士相知惜暮年未遂
平生一寸心肯問洛陽負郭田携手芝山招五老晚
交能定何必早歲晏馳驅且別離南樓歌斷淮宮草
淮宮草斷鄱水乾魚麗晴沙雁陣寒佩刀解贈多君
意極目猶如壁上觀

○ ○ ○ 寄大梧山史白

有友胡彥遠高視如巖電一至饒陽城欲識白也面
我來聞其人欣然亦願見葛巾草屨隱梧山悲吟清

嘯出林間彭蠡鴻飛何冥冥去此城郭竟不還壯年
多感憤知君非石隱丈夫志四方豈必身遠近不見
下邳孺子納履初東游傳得圯上書漢家高士梁伯
鸞言從京洛返其廬我年五十猶未蛇蟄豈曰乘車
將子戴笠胡為白也望岑遙集風蕭蕭兮拂吳鉤行
將逝兮陟彼薊丘知友朋兮不易求伊胡子兮尚淹
留

芝山歌留別章司理

有故人兮松石間今出山兮還在山饒陽官舍多白

雲雲中鄱水芝山分出入常乘小犢車采芝山上如
隱君時從西閣望五老高懷不數范希文洪都一榻
淹徐孺忽憶芝山尋我素魯亭把袂清風起戴宅携

琴秋草暮西浮未得虎溪遊有詩併作廬陵墓

山有淮王

墓故

脂車束裝且向燕故人南浦猶未還滕王閣上

應題和鄱君祠前誰贈鞭沙寒日落極湖口獨醉芝

山酒一斗湘靈鼓瑟舞馮夷登高望遠印須友去此

千里黃金臺春風歸雁待書來

京谷贈史文令

京洛歸來禾黍初石倉猶有舊藏書車前延客過陶

里湖上携詩訪戴廬鄱陽有陶侃延賓故里戴井倫讀書東湖楚澤秋深

悲屈宋西園荒後老應徐文令居近淮宮相逢鄱水烟波釣

千頃汪汪不羨魚贈德興葉雲翼

少年作客五侯家老去河陽未看花栗里種成陶令

柳青門分得邵平瓜傷心故國人零落回首長安路

狹斜閉戶著書深帶草竹窓猶是碧籠紗

贈王絲如北上山人

朔雪寒雲滿薊丘黃金絡馬白狐裘宮開碣石燕昭

舊賦就阿房杜牧遊待對承明懷漢策言從羽獵帶

吳鉤多君才氣翩翩好彩筆雕戈壓鳳樓絲如有

晚泊凡山文

歲晚未言還烟波鼓柁前有山知是岬無水不粘天

倦鳥迴風起疎星帶日懸干戈傳海上數問廣陵船

經南康望廬山

崇標接漢枕南康橫鎖鄱陽匹練長雲裏仙廬開驛

樹谷中瀑水帶湖光逢僧半是虎溪過作客將無蓮

社坊日落片帆歸鳥外名山窮目晚蒼蒼
紫艸早經湖口縣
抱缺圍爐倦客眠石鐘聲落曉城邊寒雲遠帶瀟湘
雨白浪朝來彭蠡船望嶽匡廬深瀑雪到江楚塞極
風烟車書一統澄清後萬里從容擊楫前

○ ○ ○ ○ ○ 小孤山

凌波片石亂烟鬟似望瀟湘暮雨還寄語長干人憶

遠多情會到小姑山

小孤一名小姑

○ ○ ○ ○ ○ 馬當山

楚澤東流湘漢空馬當山絕大江中出雲不借巫神

兩上水能分估客風

○ ○ ○ ○ ○ 晚至安慶

斜陽明楚甸暮靄隱江城前岸青山出孤洲白浪生
檣高知渡口燈遠辨人聲歷歷寒星照寥寥夜柝清

○ ○ ○ ○ ○ 江中望九華山

擢秀江流萬里賒青天開出九蓮華風臨寶樹心初
動吟向雲門手自叉岼嶺補書腐史筆轉帆坐眺羽
人家烟波回首銅陵道落日寒峰一片遮

八。采石磯首臨別道谷日寒氣一古也
長江滾滾天為塹青壁高高石作城水下楚關連海
市山迴吳會繞神京百年戍壘人烟冷一渡滌和帝
業成戰血已枯猛士盡雄風何處憶開平

○金陵感懷

飄泊餘生尚草萊故都行邁重徘徊渡江猶是龍盤
處望氣曾無紫蓋來棘委銅駝荒御苑珠沈明月出
泉臺白門柳色詞人賦搖落秋風誰獨哀

○寓惠應寺

金陵

門掩三秋葉松深一徑風僧歸客到後山暝鳥啼中
丈室繩床煖霜庭南竹紅纔生安穩想已覺世塵空

○謁鍾山孝陵

珠丘銀海護幽宮射獵鍾山麋鹿空秦墓玉松如斷
梗昭陵石馬不嘶風何當酌酒長淮竭莫漫悲歌夕
照中飛去五雲為暮雨百年芳草六朝同

○遊高座寺

晉時西竺僧尸利密
多羅高座說法處

僧來西竺陞高座說法猶留華鬘雲解帶可逢王相
國改容無復卞將軍塔前松鬣揮玄塵殿角風幡照

夕曛晋代衣冠千載盡寒山鐘磬六時聞

○大報恩寺

即古長干寺故址永樂建此報恩

太祖

靖難功成兵氣銷梵宮壯麗報神堯香壇雲鬢黃金地輦路苔斑碧玉橋風通鐘聲過舊內江懸塔影落歸潮咸陽火後莊嚴在併作長干賦寂寥

○雨華臺

五代雲光禪師說法雨花處

帝城說法散花來宮樹摧殘春不迴羣鹿幾年遊上苑啼鶯三月徧荒臺

○從豫章之金陵將遊燕都便寄青州馮司理

南州曾下陳蕃榻江左還登孫楚樓世路秋風千里客暮年白髮五湖舟吹竽走犬齊風好彈鋏歌魚我意休欲向金臺矜舌在相聞應咲敝貂裘

○張瑤星招集松風閣

在雨華臺下

山居清竅好置酒對斜曛曲逕通僧舍荒臺下鹿羣素心臨白水青眼入高雲舊日松風約今來始一聞

○律上人夜過

一日不相見南山晚始歸入門我飲酒共坐爾忘機室靜松聲起窓虛竹影微話深還且去送月到禪扉

○晚同健師過普照寺訪純水上人次壁間韻

花兩六朝濃青雲老仲容尋僧晚入寺題壁夜燃松
鳥集苑枯樹山鳴遠近鐘寒梅如有待冰雪一庭封

素心二白水青洲入高寒書日山風吹今來故一聞
烟靄暮山濃閒身方外客僧迎同看竹鶴睡獨聽松
新曆先青草歸人趁夜鐘過溪無虎嘯隔院有雲封

○○○渡浦口

一江碧水看雲起千里黃沙見雪飛天上數聲鴻雁

度山頭回首故人稀

首二句
夢中得

